

Delegacion di Quota International of Aruba den desfile oficial na Australia



ORANJESTAD(AAN)— Sra. Enid Croes Marugg miembro di Quota International of Aruba ta na Australia actualmente cu un delegacion chikito di otro miembronan di e club na Aruba pa un conferencia internacional na unda sra. Croes Marugg lo keda instala como e presidente di Quota International. Esaki sigur ta un honor pa tanto e club di Aruba como pa nos pais mes. Ta prome bes cu un Arubiano ta haya e posicion aki den e asociacion non profit aki cu ta traha pa bon causanan rond di mundo. Ayera nochi a tene e ceremonia oficial di apertura di e conferencia aki na unda tin mas di 500 miembro di clubnan di Quota rond mundo presente. Dialuna lo bini cu mas informacion for di Australia.